

IND

一千八百五十五年二月朔日 第叁號

遐邇貫珍

香港英華書院印刷

英年月閏日歌訣

耶穌降生一千八百五十五年日記

三月禮拜詳序

英年十二月

正月初一日 卽甲寅十一月十三

其數同中原

二月初一日 三月十五

四六九十一

三月初一日 乙卯正月十三

卅日皆圓全

四月初一日 二月十五

餘月增一日

五月初一日 三月十六

此數亦易言

六月初一日 四月十七

惟逢第二月

七月初一日 五月十八

二十八日焉

八月初一日 六月十九

四歲二月閏

九月初一日 七月二十

廿九日回還

十月初一日 八月二十一

十一月初一日 九月二十二

十月初一日 十月二十三

四 英二十五 唐二月初八

三 英十八 唐二月初一

二 英十一 唐正月二十三

一 英初四 唐正月十六

第叁號目錄

新年叩賀

手骨論

尻骨盤及足骨論

喜耳惡利戲言

人類五種小論

近日雜報

醫爾貫診

CHINESE SERIAL.

VOL. III. No. III.

1st March, 1855.

INDEX OF CONTENTS.

- I.—ADDRESS TO OUR CHINESE READERS, ON THEIR NEW YEAR. pp. 1—3
- II.—CHAPTERS ON PHYSIOLOGY. Nos. 5 and 6. TAKEN BY PERMISSION FROM DR. HOBSON'S CHINESE WORK ON THE SUBJECT. pp. 3—5
- III.—THE FACETIE OF HIEROCLES (*Communicated*). pp. 6—7
- IV.—THE FIVE PRINCIPAL VARIETIES OF MANKIND. pp. 7—8
- V.—CURRENT NEWS AND MISCELLANY.
- On Emigration, and the rules for Emigrant Ships to be enforced in Hongkong. pp. 8—9
- Recall of the Government Notification, forbidding the carrying of Chinese Labourers to the Chincha Islands. pp. 9—10
- The Decay of Trade at Canton; statement of Exports to England in 1854, from Canton, Shanghai, and Foochow. p. 10
- Monthly report of affairs at Canton, with remarks on the killing of prisoners, and cutting off people's ears. pp. 10—12
- Report of the Hospital at Kum-le-fow pp. 12—13
- News from Shanghai. p. 13
- Extracts from the *Peking Gazette* from December 12th to 31st, detailing successful operations against the rebels in Hoo-pih and Hoo-nan. pp. 13—15
- News from Europe:—The battle of Inkerman; the Decision of Austria. pp. 15—16
- Subscriptions in England for the wives and families, widows and orphans, of the soldiers employed in the war with Russia; Contributions for the same object in Hongkong. p. 16

新年叩賀

律當太簇味列五辛際景物之回春正
吉人之受祉恭惟

列位台臺值啟泰之辰介無疆之福業崇
德裕財廣祿豐誠足羨也第以鳥飛兔
走迅速如梭日月其除歲不我與轉瞬
間而四序已週此實吾人所當繫念者
也然則何以處之豈非及時修德勿失
韶華之爲要哉是以大禹不寶尺玉而

惜寸陰、董遇不失正候、尙足三餘、職是故耳。獨是欲修德者、必先明理、而明理莫先於格物致知、故自正心修身、以至於平天下、功效莫不由是而來也。獨惜華民頗涉拘滯、安於舊典、不務新知、偏執已見、不屑他求、遂貽坐井之譏、而失致知之學、良可嘆耳。孰知天下之物、莫不有理、而於理有未窮、故其知有不盡。是以大學教人、莫不因其已知之理、而

益窮之、以求至乎其極。嗟嗟、天下之事物無窮、而一人之見識有限、雖竭畢生之力量、亦不能窮物理之蘊藏者。夫天地無心而成化、事物與時爲變更、故有怪怪奇奇、每爲古所無、而今所有。苟安於故舊、是無異管窺蠡測、終無廣見矣。且

上帝生人、各有所長、固非一二人所能獨擅其備、是以洞達之輩、必樂取於人以爲

善彼此相資，廣有進益。苟偏執自是，則孤陋寡聞，見不及遠矣。近來每月有遐邇貫珍三千帙刊售，誠爲善舉。其內有列邦之善端，可以述之於中土，而中國之美行，亦可以達之於別邦，俾各日臻於廣見，中外均得其裨也。是帙取值甚廉，每卷不過銅錢三二十文，以助紙墨之費而已。伏望

諸君勿以孤陋自甘，勿以吝嗇是尙。每月

畧費二四口櫝資，而購觀一帙，則事物之巔末，世事之變遷，與夫外國之道、山海之奇，無不展卷而在目矣。豈非格物致知之一助乎？亦豈非中國漸進於齊治均平之小補哉？此佈達順賀。

新禧不戢，統維

淵照

手骨論

左右上臂骨各一枝，古名臑骨，亦名肱骨，在肩膊下，其上圓端與飯匙骨相附為較，下端略大而扁，後有深窩，前有淺窩，末處如橫圓樞軸，內接正肘骨，外接轉肘骨也。○左右正肘骨各一支，又名下臂骨，上端連接臂骨處，形如鶯嘴開張，以銜上臂骨下端，橫圓樞軸之半，人若屈伸其手，則鶯嘴入於臂端前後之深淺兩窩，在鶯嘴外角，亦有淺窩以銜轉肘骨，其下端則連於腕骨，向前有圓軸，以循轉肘骨焉。○轉肘骨左右各一支，較正肘骨其大畧同，上圓而滑，為筋帶之轆轤，頂有微凹，以接上臂骨，其下端扁而大，內旁有微窩，以接正肘骨圓軸，末有大淺窩以銜手腕，人若翻轉其手，則轉肘骨交扭於正肘骨之上，凡百工手藝，皆賴此骨也。○手腕骨左右各八枚，其形長短方圓不等，上連肘骨，下聯掌骨，共八骨，分兩層排列。○左右手掌骨各五枚，與腕骨相連，皆逼密不能轉動，惟大指一節，可以開合，故能與四指對插，以拾掇針芥等物，五骨之末皆圓凸，以藏於指節之後窩也。○左右指骨各十四枚，大指兩枚，餘四指各三枚。

上臂骨圖




正肘骨



轉肘骨




指掌骨圖



腕骨



大腿骨圖前形



小腿骨



輔腿骨




脚掌骨圖



大腿骨圖後形







各
駝
骨



大
鷹
骨




虎
頭
骨




鹿
骨

各種骨骼各合其用



虎
爪
骨



圖

轉
肘
骨


正
肘
骨



小
腿
骨

輔
腿
骨

後
形




每節外圓內扁，頭窩尾凸，以互相聯續。至生指甲之處，則尤扁。每節之長短，則次第勻殺焉。

尻骨盤及足骨論


尾骶骨一個，上承腰骨末節，兩側平闊而濫，接合左右胯骨。腰節之下橫闊三寸，中間橫闊二寸，上下長約三寸，兜彎於前，連接尾間小骨。其兜彎之內，即直腸依附之處。前後有八孔，平分四對，以出腦氣筋之尾派也。○尾間骨，又名脊尾，有三四枚，亦兜彎於前。婦人臨產時，必反展於後，以寬產門。男女中年以後，與尾骶總連一骨，故婦人年長，初產必難，其骨即在肛門後縫之內也。○左右胯骨二個，人身眾骨，惟此最寬大，左右兩片，兜彎向內，上寬下窄，以貯臟腑。左右出一橫骨，在前陰之上分界，俗名交骨。其下分歧，彎作一棋，至髀白之側，作一骨圈，圈中寬一寸，棋脚圈下之處，骨略粗濫。凡坐之時，此骨乘於椅上，故名坐骨。坐骨之上，橫骨之外，胯骨之下，三骨交會處，有一深窩，寬一寸五分，中深一寸，名曰髀白，所以納髀骨之杵者也。自胯骨橫骨及尾骶骨相合處，狀若一

盤總名曰尻骨盤。尻骨盤內前藏膀胱後藏直腸。若婦人則有子宮在骨盤正中。故女子骨盤上下寬大斜度盤口寬約三寸七分。盤底自尾閭骨至前樞寬約三寸四分。坐骨自左至右寬約三寸。尾骶骨至尾閭骨深四寸。盤之兩旁深二寸三分。盤之前深一寸二分。盤口與盤底寬窄不同。故嬰兒至此頭必略轉。務與盤內寬處相合。然後能出。盤稍狹窄或歪斜不稱則有難產之憂矣。○大腿骨左右各一枝。古名太捷骨。俗名太髀骨。衆骨此為至長。約一尺以上。上端圓滑如杵。納於髀白之內。杵頭正頂有小穴。生軟韌筋帶連於髀白之中。杵頸又環生筋胞以固之。使不至脫出。亦不使其旋轉無常。杵頸之外有大凸骨。頸之下有小凸骨。其肉與胯骨粘連。助其轉動。骨幹向前圓而滑。幹之後自止至下起微稜。以繫大腿之肉。下端彎後如雙鴉髻形。兩髻相並之中有四窩。為血管之路。故脚伸縮不壞血管也。下端前向外略圓滑。為膝骨依附之處。○胫骨左右各二枝。大者名小腿骨。小者名輔腿骨。又名勞堂骨。小腿骨較大腿骨約短二寸。上端甚闊。其頂略平而凹。中起兩峰。間分左右。兩峰生筋帶。交結於上。




鯨魚骨長五十尺

猩猩骨骼





鯉魚骨長十二尺

象足骨



各種骨骼各合其用




馬足骨

骨鴉髻之中，左右凹頂，乃乘上兩鴉髻，為膝伸縮之較節也。膝較之中，有軟韌脆骨，以隔墊之，故上下兩骨無相擊之患。頂下向外，有圓滑小凹處，大如指甲，以接輔腿骨上端，骨幹直起三稜，分內外後三面，內面無肉，外後兩面則厚肉裹之，下端之底有橫窩，窩之內，有骨尖垂下，窩之外，有一骨路，以容輔腿骨下端，兩骨相並，盡處即足拘也。○足拘骨，左右各一枝，上圓而滑，接承小腿輔腿兩骨，下有窩與跟骨相銜，其前亦圓滑，逼附腳掌後骨。○腳掌後骨，每腳五枚，緊相逼合，與前掌骨五枚相接，前掌骨之前，又與眾趾骨相繫。趾骨每腳十四枚，以大趾骨為至大，部位骨數，如手之指，但手足功用不同，故指趾長短各別也。






人身眾骨，二百四十，部位層次，奧妙精微，大小方圓，靡不合用，實為眾髓之基，而血肉筋絡所附賴者，骨節無恙之時，伸縮自如，人不自知其妙，一或生熱生癰，或疔毒腐爛，或骨瘤等症，有一于此，即轉動艱辛，凡人固當知其所以生，尤當知其所以用，不獨學醫之士，所宜推論也，但中土醫學圖書，只得其略，未究

其詳茲將外國鉸連人骨逐件考訂詳細量度不揣冒昧譯撰成書雖未盡悉其形其而功用頗為詳哲閱者誠得人骨細心比度自當了然心目但中土人多以穢骨為嫌故圖繪首篇使得按圖披讀然不過助十分之一耳人骨與獸骨大體相類位置功用迥不同科緣人能坐立獸須四足而行細玩骨格即知其理人頭骨位置于脊骨之上俯仰顧盼不偏不倚獸則不然一也口眼耳鼻平直橫向若如獸以四足而行則五官朝地勢必直立二也脊骨上尖下闊平直相承與獸脊不類三也指骨與臂骨平排而出股骨與胫骨直下而生至脚骨則曲扁而貼地勢非直立不能四也人獸之骨如此不同若人骨則無不同者雖分處各方合較其骨無從辨別蓋天下萬國古今貴賤溯追其始胥由一祖生生而來可見造化之主本源無二古語云人以塵造人死歸土每見中土人所謂執金者不過暫惜眼前世遠年湮終歸朽腐然其始實何從而來乎何由而成乎蓋由造化獨一之主也鷄鴨之卵覆翼旬日即成毛骨顯著造化生成之妙如吾人之日蒙北恩澤者應如何欽崇感戴耶



脊骨圖

破透的
此是當中



十由

全體新圖

喜耳惡利戲言

喜耳惡利者，齊時士人，居埃及之大邑亞力山太，為人博學多才，時復好為詼諧之論，以供談笑，如所撰戲言是也。原文係希利尼字，今譯出，綴以唐文。

一蠶子泗水，幾將溺死，已而躍登岸上，語人曰：以後若未學泗，吾必不敢近水矣。

一蠶子謂友曰：吾適夢中見爾，與爾言。友答曰：幸恕我此時不敬聽之罪。

一蠶子到一人家問病，適病者沉重，不能答言。蠶子因怒曰：我亦冀已有病，俟汝來問，還當以不答報之。

一蠶子遇一醫生曰：先生可恕我無病之罪。

一蠶子畜馬，欲教馬減其食，稀其芻糧以飼之。馬遂餓而死。蠶子戚然曰：失重利哉！既教爾學少食，胡為至於死也。

一蠶子欲賣其屋，持一瓢示人曰：觀此可知屋之模矣。

一蠶子欲知已睡時形狀，遂合眼，攜鏡臥對之。

一蠶子遇一醫生，猝踰牆而避之。或問其故，答曰：我久無病，恥與之相見也。

一蠶子家藏美酒一桶，已封口甚固矣。有僕潛鑽桶底盜之。蠶子失酒訝甚，謂封口如故，而酒何自失耶？或曰：試細察之。或從桶底出否？蠶子曰：愚哉子也。桶底猶有酒，何可言酒從桶底失乎？

一蠶子見麻雀於樹上，乃潛往樹底，張開已襟，忙搖其樹，意謂麻雀之必墜下也。

一蠶子與一友相遇，謂之曰：昨有人云爾死矣。其友亦蠶者，答曰：我固尚生也。蠶子曰：恐爾言不若告我者之可信。

一蠶子偕僕散步於田庄，時渴欲飲，因問僕是處有井泉否？僕導至一深井，曰：此井即主之祖，曾飲而甘之。蠶子曰：我祖必長頸也，不然井深如是，其能飲耶？

一蠶子聞烏鴉經二百歲不死，急買一頭養之，曰：將以驗吾所聞也。

一蠶子渡河，其舟忽為颶風所破，時舟中人各握浮水之物，冀免於溺。蠶子曰：睹衆情狼狽，亦忙覓一碇以自防。

一蠶子見小兒有雙生者，忽一兒死，後遇其生兒，問曰：前死者是爾耶？抑爾兄弟耶？

一蠶子舟行，遇颶風，慮被溺身死，遂喚僕取文具，寫遺書，時僕驚怖尤甚。蠶子曰：爾勿憂，我書中並令釋爾，任爾所之矣。

一蠶子渡河時，舟中乘馬，人問其故，答曰：我欲急於渡也。

一蠶子因費用告匱，售其書以度日，忽馳書報其父曰：父親可賀我，我之書能養我矣。誠哉書中有金玉也。

一蠶子之子忽死，時睹衆入其室，蠶子曰：吾兒甚穉，抱出與衆大人賞鑒，吾實恥之。

一蠶子使其子投軍為兵，其子在父前允必執敵首而還。蠶子曰：我願爾脫于危地，不論爾歸時首之有無也。

一蠶子在城友人馳函囑買書蠶子忽忘之後復與友相見蠶子曰爾昔付函託我買書我實未曾接之。

一蠶子之書常被鼠咬彼乃含餌于口對坐叢書間欲誘其來咬而執之。

一蠶子買屋一間坐門前逢人便問曰此間宅合我式否。

一蠶子夢腳踐踏一釘痛甚因束以布其友亦蠶子聞其夢爲之籌計曰亦由爾赤脚而臥也。

人類五種小論

人之託處於地球者天下萬國其數約有九百餘兆居歐羅巴者約二百四十餘兆居亞西亞者約五百餘兆居亞非利加者約六十兆居亞墨裏迦者約五十餘兆居南洋諸島者約二十兆同是食味辨聲被色之倫負性含生固無或異卽遷地而處而寒暑燥濕孕育興居亦覺往無不利非若飛走種植者之爲土宜所限一易處而衰弱凋殘之立見也惟是形體天性雖無或異而貌色原有不同萬方之水土難齊兩大之化機亦判是故西方博士詳察人民以其同

者合之不同者分之因分爲白黃黑立銅五種人之說。

白種之人皮膚白面形上闊下殺鼻準極高額厚而廣齒牙上下平對歐羅巴一州之人皆然亞西亞西北二處亞非里加北邊及北亞墨裏迦之極北亦有之歐羅巴人多散居於各處或建國或開埠所以白種之人殆無適而不遇焉黃種之人皮膚色如橄欖頭髮粗疎而長鬚亦稀少面方而畧匾眼鼻口不若白種人之分皙除上所云西北二處及麻刺甲一土之民其餘亞西亞遍州皆屬此種如中國蒙古之類是也。

黑種之人皮膚黑如墨染頭髮卷曲而短類似羊毛匾鼻厚唇脚多畧曲而不直除上所云北邊之民亞非里加一州之人皆屬此種。

立種之人皮膚色在黃黑之間如世俗所云黑棕色者是也頭髮黑而密似有欲卷曲之狀居亞西亞之麻刺甲及南洋諸島之人亦皆屬此種。

銅種之人似與黃種無異但皮膚色則如黃赤交雜眼鼻口亦畧覺分皙額矮而匾削除上所云北亞墨裏迦之極北處此州南北二方土人皆屬此種。

近日雜報○出游外國論

英國現與強敵相持，軍務倉皇，然猶惓惓以民生爲念。至于外國之人，來往是邦者，亦莫不均被其雨露之澤也。邇來英國益修善政，苛法悉除，誦敷文德，而且廣設園囿，重建宮庭，凡一切奇花異卉，珍禽奇獸，與夫瑰璋琦玩，翰墨圖書，靡不充積其內。凡此非欲爲供一人之耳目，無非樂與民同，俾各人于工餘之暇，得以遊目聘懷，玩物適志，其恩意爲何如也。至于外國之事，爲我英國所戚戚于懷者，莫如亞西亞印度中國之旅人也。現在華夏之人，往加拉寬奧士大利亞二金山採金者甚衆，而英國未嘗不視若子女然。邇者中原亂作，盜賊公行，或掠民物，或火民居，遂致碩鼠興歌，難安故土，故欲採金者愈衆，往金山者愈多。此正賃船者之所藉以爲利，而千古一時者也。乃竟乘此機會，以肆其狼貪，特賃破舊之船，載客過額，卽所託船主，亦不選擇，以致揚帆不日，船內搭客，或有染病身亡，總總敝端，不勝枚舉。更或全舟覆滅，衆竟爲魚，卽間有偶爾逃生，依于海石之上，亦不免日受凍餒，方能得救。凡此船主，卽或僥倖抵埠，亦不過藉風順波平，上天庇祐而已。嗟嗟以錢財爲性命，視人命若草芥，幾何不人其面而禽獸其心也哉。

更有大堪痛恨者，華夏之民，向來被詭詐之徒，誘往南亞墨裏迦之真查洲傭工，作掘鳥糞之役。始則蜜語甜言，引人入套，詎意抵埠之後，終日流汗，不得小休，甚至加以鞭撻，視若犬馬，竟將先前所立之約，付作閒文。適有英國船主數人，目擊其狀，因思此等工人，背井離鄉，遠來化外州島，既竭筋骨之勞，復受鞭撻之苦，乃動惻隱悲痛之心，瀝情上訴英憲，懇乞設法，以悉除秘魯國刁風。于是英憲乃致書秘魯官憲，請勿縱民行暴，欺凌工人。若此，庶無隙怨云云。○香港于一千八百五十四年英五月，本港大憲曾設立執事一人，專理本港開駛之船事務。凡船由此港開駛者，該執事之人，必先勘驗其船可否，與及所搭人數，不許過額。船上糧草茶水，俱要豐足。所立之例甚嚴，但斯時恨未卽行。今大憲重申制令，使人遵守。自今以後，凡有船在本港往金山者，每二墩載一人，則每客可有艙位九尺。假如有船可載五百墩，則准載二百五十人，四百墩者，則

准載二百人。船主水手均在數內。每客之糧。必照大憲所定之例而行。亟不得更易。務使人人皆得安康抵埠。永無意外之虞。其法之盡善如此。則凡船之在香港開駛者。必獲康寧。遠勝于在別處開駛者矣。以余愚見。有此規條。誠爲唐人外遊之便。至有傭工之人。服役外國人門下。而旁人稱之爲猪仔者。深爲可怪。此無他。皆因其人心懷妒忌。見人之利而惡之耳。余以爲凡目人爲猪仔者。其自稱爲猪仔尤宜也。何也。則以其飽食思眠。無所事事。有如猪然也。若傭工之人。挈眷到彼。更爲兩便。不然。則開行之後。雖有銀十員八員。留爲養家。然亦不過足支暫時之費而已。隔別遙遠。照應殊難。不可不慮也。

唐人往真查洲傭工論

去年英九月。公使大臣包令。示諭各英人。不得復載華民往秘魯國真查洲。蓋以華民在彼。受其縛束馳驟。若牛馬然。惟今秘魯已書達英國大憲。言及該處苛情悉革云云。是以包令大臣。於英本年一月二十九日。再示收回去年之禁。准英人如舊。任意載華民往真查洲。代人打工。採掘鳥糞。竊想秘魯國。若果能

知過而改。則是上應天理。下合人情。但該洲遠處海中。人心難測。華民須當再聽實報。若秘魯人果能曉得柔遠人之理。然後起程往彼。尙未爲晚。

三港生意興敗論

道光任寅年以前。中國與外邦貿易者。惟有廣東省城一處。是年華英立約。以粵省廈門福州寧波上海五處。爲二國嗣後交易買賣之地。惟時粵省交易已久。國庫民囊獲利甚多。別埠迴然不及。詎意近年粵省貿易漸衰。而上海反覺興旺。出粵省右。去年福州次之。而粵省獨居其殿。是何故哉。或曰。粵省去年賊起。四方不通。然此祇可爲一年之解。而生意流而忘反。經歷歲矣。其故必有所由來。余茲不暇窮究。所望者。粵省早日平靖。農夫力耕于田。商賈勤業于邑。大憲清廉。以重興國運。使粵省復居五埠之首。今將上海福州粵省去年各處所發往英國茶絲二貨列左。以爲前言之證。

三處發往英國之茶。上海共計二千九百二十五萬二千三百磅。福州共計一千六百一十五萬七千七百磅。粵省共計一千二百八十五萬七千三百磅。上

海發絲二萬六千八百五十六包。粵省發絲五百四十三包。福州無絲發。已上絲包皆載於貨船。另有火船運絲四千四百二十二包。疑大半是自上海載來的。

省城新聞畧

正月初四接到省來信。內云。月前省垣人民甚是驚惶。滿城騷動。蓋因黃埔賊匪進攻河南故也。先是各憲偵知該地有欲與外賊相聯以爲內應者。乃設立壯丁千人。就近結營。協同官兵防禦。客歲臘月初三。果見賊匪水陸並進。先攻河南之南。於是拔營與戰。偶爾失利。被賊據守數鄉。以爲進攻之地。左右鄉隣恐遭賊害。權豎紅旗。希圖苟免。迨後官軍以五千渡河。力拒賊匪。使不能進。數日之內。鄉民驚恐。紛紛挈眷而逃。爭渡河北。一時船艇盈河。幾無餘隙。回首安居之地。悉變作刀兵之場矣。悲夫。隨後賊自度力不能支。先將所據數鄉縱火燒燬。棄甲而逃。官軍一至。不分皂白。竟將所豎紅旗之鄉盡付于火。其慘酷視賊爲何如哉。今舖宇幸而存者。惟沿河一帶耳。其餘則大半變爲灰燼矣。官軍

最頑惡者。莫如潮兵。橫行劫掠。貪功嗜賞。亂削良民之耳。惟香山林勇一軍。蹈矩循規。最得民望。其餘則不堪問者矣。○臘月初八日。黃埔賊魁復引眾再攻。獵得炮臺。是役也。官軍預將海面築窄。僅容一舟。故賊船雖多。無能用武。所以奪得賊船十隻。賊見不利。返棹而逃。後風聞賊魁各懷二心。互相角氣。分爲二黨。於念二日。有一黨攻取石龍。橫行劫掠。東莞縣一聞音報。隨即興師。且鄉民亦同心相助。用移甲作乙計。頭裹紅巾。以龍船抵岸。賊誤認同黨。絕不提防。於是出其不意。殺獲甚多。乘此復回石龍。皆因計之巧也。現在何六勢孤。岸上紅賊皆不歸附。惟所存者。其手下所領之船耳。其船飄蕩海內。凡見船艇。即行劫掠。日前奪得英人華艇。不肯放回。後見水師提督發船索取。乃許賠回銀七千大員。惟交此銀時。賊中多有不悅者。船中營內議論尙紛紛云。○近日省垣西邊捷報。與黃埔左右事勢相同。堪爲官民賀喜。十二月初五日。佛山有官復任省佛餉渡。往來如初。且西樵各處衾者。亦效大瀝章程。鄉村相聯。以逐賊黨。十五日。省垣更遣壯丁多人。前往西樵。協助鄉民逐賊出官山外。今官山左右有

百鄉相聯，賊二次往侵呂水，均不得利。○近日官軍操演日熟，步伍整齊，故軍威日壯。省垣居民，每日見有解賊入城，賊勢日衰，官民稍堪慰藉也。城中紳士協力商議軍機，城外村鄉相聯，倣效大澀、東莞、西樵所立之法也。○十二月間，市價高昂，依然不減，因紅賊據守要津，運物不便故也。惟自年新正，或可望市價少減云。

右言官兵於河南割村民左耳，正與上月上海新聞，被俘即殺之事相類。余於去年十二月十二日，親往河南，至一村落，屋宇被焚，民皆散佚，止剩婦女少兒十餘輩，跌坐咨嗟。余停步慰之，忽見有男子二，其一黃髮，年近八旬，其一年方二三十許，二人左耳皆已被割，老者耳孔滿虫，預爲蠅蚋之噉。少者發狂跳舞於前，余見之驚駭，嗟悼不已。夫中國夙稱文墨之邦，素被聖人之教，而乃有此殘忍之事，殊屬難解。迨後回寓靜思，因憶大雅皇矣之篇所云：攸馘安安。又魯頌泮水之篇所云：矯矯虎臣，在泮獻馘。余於此不能無疑於二詩之說，適啟後人效尤之漸，敢請博學君子，憐我蒙昧，代解疑團。夫皇矣

篇所言，乃文王伐崇之事。文王當日，豈有教軍士割被獲者之耳乎？且文王伐崇，乃順上帝之命，如帝謂文王，詢爾仇方，是已。余想夫上帝乃好生之主，割耳是殘忍之事，請問割被獲者之耳，是爲上帝所使所悅乎？況泮宮爲諸侯之學，爲施政教育人材而設，在泮獻馘，於理又屬不合。詩人藉此以美僖公，寧保後人不擬其非乎？然不第此，蓋詩經爲孔子所刪，中寓刺美善惡，善者可以起發人之善心，惡者可以懲創人之逸志，竊問此二詩之事，是美乎？是刺乎？若云爲刺，則文王所行，上帝所命，皆可謂爲惡乎？若云爲美，則孔子編詩，亦許割耳獻功之事，可謂使人得性情之正乎？或曰：馘者先殺而後割耳，蓋謂多戮醜類，難以逐一持獻，故止割耳。然此殘忍之說，何得假爲帝謂文王，有失上帝好生之恩，更令今人援古爲口實，以掩其豺狼之行，卽此一事，詩人證文王有之於前，孔子許今人鑒之於後，則文王何得稱爲聖君？孔子何得稱爲萬世師表乎？總之書被秦火，歷百餘年之久，至漢章帝始召羣臣，考五經同異於白虎觀，是知五經多出自漢儒，其中不可爲訓者實多，况

好事者，往往誣古人以不白之冤，即如此二詩，斷之以理，決非帝謂文王之辭，而直認為帝謂文王者，豈不妄誣上帝，有累好生之德乎？蓋此二事，皆非仁義紅兵行之，誠為賊寇官兵行之，上干帝怒，下拂民情，奈何文墨之邦，有救主真實之道而不信，反以漢儒駁雜之說而信之，噫！行之而不著焉，習矣而不察焉，終身由之而不知其非者，豈不誠可惜哉！

省城西關惠愛醫館報

粵東省城西關惠愛醫館，設立已有年矣，向來不受謝金，不需藥費，每年計就醫之人，數過二萬，可想見醫館之設，其有益於唐人者，非淺鮮也。舊歲自六月起，至年底止，因賊匪滋擾，有兵勇交仗被傷，在館居住，以求調治者，統計有五百餘人，其中衛佐邦新會營兵勇四五十，督標兵三十餘，撫標熊勇十餘，潮勇十餘，英勇十餘，平洪勇、公義勇、黃鼎壯勇、安良勇、東勇、林勇、張勇、清海勇、河榮勇、廣協兵等，八十餘人，大歷民壯百餘，大團民壯百餘，然此五百餘眾之外，亦有每日到來敷藥而去者，不知凡幾也。蓋寓館內者，每日數常近百，最多者有

一百三十五人，內服役者四十人，惟合信醫士時刻小心調攝，或不遑暇食，有因勤勞過瘁而致病焉，即門徒何景文及職司其事者，亦不勝其困倦，茲特樂記其事，非為彰其仁愛，以誇耀於人，實欲勉讀者體民胞物與之懷，以盡其道之當然而已。至於眾等受傷輕重，未暇詳叙，不過畧陳其大概，餘待下月後續。

上海新聞畧

上海所到之新聞紙，有云：去年臘月二十日，黎明時，有官兵數千攻城，佛兵亦發大炮相助，斯時賊匪難近城隅，被官兵得據附城屋宇一間，其屋高與城齊，官兵即登屋上，放炮下擊城中。二十四日，紅頭開東門往攻官兵炮臺，奮其銳氣，亦不能取勝，當交仗時，城中有一民人，乘間出城，據云：城內賊軍祇有一月之糧，而民間則皆室如懸磬，故貓犬虫類，搜殺迨盡，淒涼景況，難以盡言云云。

京報

十月廿三日，上諭：曾國藩塔齊布奏，水陸迭獲大勝，斃賊萬餘，斷賊江面鐵鎖一摺，蘄州半壁山賊營，為官軍踏破，後餘賊聚集湖汊，十月初二日，忽出數千

人擲戰塔齊布等帶兵擊退焚燬富池口賊營一座至軍山嘴札營初四日塔齊布遣人搭造浮橋忽賊千餘人前來阻遏江中賊匪登岸約二萬餘人占踞半壁山舊壘官軍突起冲陣連斃執旂賊目乘勝追殺土山殺賊千餘墜死者數千賊眾奔江覓船我軍下擊賊數十舟自行擠溺我軍焚燬殲戮殆盡血流平地江水爲赤餘賊船歸北岸我軍盡焚南岸是日塔齊布亦隔港分擊斬獲甚多忽賊千餘自富池口上抄塔齊布回擊斃賊百餘初五日田家鎮賊三千餘人復渡江來犯欲搶浮橋塔齊布率兵奮勇冲擊賊始敗潰兩軍追至江邊殺賊四百餘名溺斃二百餘名逆匪復從上游登岸欲撲羅澤南營彭三元等奮力堵截該逆揚帆上至牛灌磯登岸各勇沿江追擊溺斃數十名焚燬賊船三隻蘄州城下賊隻經我軍屢次誘擊不出初八日彭玉麟等移營攻打賊開炮傷我官軍哨官蕭世祥中砲陣亡逆船數十自釣魚台下開竄我軍追勦燒燬二十餘隻奪獲二隻乘勝進札骨牌磯此次以少擊眾殺賊逾萬○十月廿四日上諭僧格林沁等奏誘賊出巢痛加剿戮一摺十月二十日僧格林沁飭

令參領穆騰額等設計分兵誘賊出巢南面木城及連鎖之賊相繼而至我軍開砲痛剿賊匪紛紛倒地我軍乘勢轟擊殺斃逆匪無算奪獲刀矛多件

十一月初四日和春督兵進勦沿江大獲勝仗逆匪分股竄擾河州含山烏江一帶地方皆有防堵營寨該提督派令署臬司恩錫廬鳳道張光第督帶兵勇追勦于十七日夜會同協領托雲布合兵攻擊至次日卯刻行至烏江該匪棄卡逃走官兵乘勢追至江口生擒紅巾賊匪多名擊斃一百數十餘名內擊斃賊目一名逆勢不支官軍跟從急進火器齊發槍入賊營砍斃賊一百數十餘人奪獲軍械頗多連燒三座賊營逆匪奪舟渡江追兵擊殺及落水淹斃者不計其數燒燬賊船六隻炮擊沉水三隻餘俱竄逸南岸又不知蹂躪何方○永城亳州有稔匪蘇添幅等盤踞皖豫畔尋構仇抗拒官兵賊匪分兵三股來撲有都司載世熙先將西面一股擊敗該匪東西兩股合而爲一並力拒敵官軍有副將朱運太與張家駒先後並進槍炮轟擊攻散匪巢紛紛四散官軍分路窮搜數十里統計斃匪五百餘名生擒二百餘名奪獲千斤大炮六架鎗械馬

謀襲江華未抵縣城而王金周雲耀已潛師先到郡賊駭懼四散狂奔其竄永州及交界之地經王金等會率團勇連次計誘力攻殲斃二千餘人其繞道竄入零陵境屬者經護永州鎮總兵朱澣知府董文琛等分路痛剿餘匪回敗灌陽其竄入甯遠地方者猶敢糾合兩粵股匪四面攻城該縣劉如玉正在會營防禦護遊擊駱元泰等亦正督兵赴援而王金等驟從永明關外疾馳而至內外夾攻沿途追殺賊匪尸橫遍野擒斬搜殺者以數千計甯遠之圍頓解維時嘉禾藍山均有匪徒圍城知府王葆生由臨武馳援嘉禾江忠濟及知府徐嘉瑞由甯遠馳援藍山嘉禾解圍後王葆生帶勇齊抵藍山所有十月十四日至十六日各營悉銳合剿連斃悍賊數百名陣斬偽大元帥陳姓賊匪由廣東大路漸追至永桂兩屬廣西匪徒亦就掃除湖南交界次第肅清。

歐羅巴新聞畧

英正月二十九日接到歐羅巴去年十二月初九日新聞紙畧云十一月俄軍在西巴士多卜魯到有救兵數萬于初五日昧爽率兵六萬出城潛襲英營攻

其不備被戍守者窺破一面且戰且走驚動大軍英大元帥撥兵八千禦敵與之鏖戰于因結萬山俄兵雖衆大炮雖多亦無如英軍何也隨後佛大元帥遣兵六千助英兩軍互相踊躍爭先迎敵鼓其銳氣俄不能當戰至下午俄軍漸退竄回城中英佛兩軍兵弁死傷者約四千餘人而俄軍不下一萬五千之數夫英佛以一萬四千人能勝俄軍六萬可見兵不在多而在精也但二國越境遠征而俄軍負固守險地近人多英佛奏捷之期當費時日諒不能在旦夕間也現英國衆人同生義憤情愿投軍赴敵者日以千百計故兵船往黑海助戰者連綿不絕佛國亦然○澳地利國一向靡此適從有時聞人傳曰須助俄有時聞人傳曰須助英佛猶預未決邇來聞其立意已定曾遣使往俄京核其降服限以一月爲期如屆期尚不如命則澳地利亦將與師侵其土地云夫歐羅巴諸國此時戰爭惟俄國無義在英佛皆無私意不過欲持危扶顛爲救土耳其免被俄人吞噬耳伏望上帝膺迪俄君之心使其克聽善言改其惡行息兵降服俾諸國共享昇平之福則幸甚。

上此言諸國相戰血流成河尸橫遍野令讀者爲之傷心茲有一段盡善之舉余特叙之以公諸唐人凡西國于干戈之會亦皆有仁義存乎其間故英國向有定制若軍士受傷者其一生皆以國庫給養遞今人情加厚恩意倍周蓋以軍士在外則妻或號寒子或啼飢更有戰死陣中則或寡其妻或孤其子故上自王后下至庶民無不樂捐贏餘廣立義會以給軍士孤兒寡婦之需故凡從軍者皆無內顧之憂靡不樂從主事現在本埠英人聞此義舉踴躍捐輸前月官民人等共已簽銀四五千圓寄回祖家足見我等遠處異邦雖離鄉數萬里猶不忘同人手足之情而各人之所以得心安異地者亦悉賴義兵之力也